

豫章叢書

第二四冊

自鳴集目錄

卷一

五言古體詩五十七首

卷二

七言古體詩三十四首

卷三

七言古體詩三十五首

卷四

五言今體詩九十六首

卷五

七言今體詩四十八首

卷六

五言絕句二十首

六言詩十四首

七言絕句九首

雜說三首

自鳴集卷一

宋 章甫 撰

送馮圓仲入蜀

我本山中人早信雲無心卷舒隨清風或作三日霖
十年江湖游復識水之性東西因地形圓折初無定
卻來閱世人惟公多古風用舍不繫懷畧與雲水同
還乘明月舟西泝弄流水雲水遠送迎鷗鷺皆知己
我今與公別亦若雲水然相望渺江湖萬里同青天
送張寺丞

知己不易得相知貴知心我行遍四方公獨知我深

公如千丈松凜凜有直氣我如松下草亦有傲霜意
公分刺史符揭來淮上州而我倦遊者振衣從公遊
花月醉管絃江山隨杖屨激水瀾窮愁逢人賞佳句
政成公人覲酒盡客語離疊鼓催發船不顧邦人悲
邦人勿深悲宣室定前席公必念爾民還陳治安策
吾君自神聖事君公不欺祝公但加餐慰此邦人思
送孫文輔尉新城

我來淮上居忽忽歲月過定交誰最久有唱君必和
棊枰角勝負文字工切磋雲山結伴遊風雨對牀卧
那知世途隘但喜客愁破出處方乃殊離別情無那

江城失益友山縣得良佐平生愛圖史晚歲職警邏
枹鼓常不驚雞犬亦相賀強飯君勉旃功名看老大
隱靜分題得靜字

平生苦愛閒多病復便靜每爲林下遊忽若醉而醒
茲山昔曾登當暑毛骨冷碧霄環珮聲古木旌幢影
五峯如高人一一各秀穎俗駕難久留佇立但俄頃
別來三十載往往夢清境從公得再來共此春日永
憑高懷幽思卽事發深省然燈戰枯棋臨水淪新茗
興闌下山去妙處心已領曉雨濕籃輿衝泥度前嶺

古洗

自鳴集卷一
古人不可見古物亦無幾今朝雙眼明乃識漢時洗
規模簡而質彷彿古君子年深土銷蝕薄處僅如紙
篆名可意逆依稀辨雙鯉傳寶今幾代是閨人多矣
我生頗好古摩挲不能已悠然起遐思俗物一何鄙

納涼

大熱金石流日色亦可畏鄙夫先多病喘息僅存氣
飲冰不救渴膚汗那容睡秋風幾時來不問黑貂敝
林梢隨斜陽涼颺颯然至吁童吸井泉洒掃庭中地
胡牀得露坐始覺有生意老妻破甘瓜兒女膝下戲
鳴蟬雖強聒亦足代鼓吹坐久月照入金燈正澄霽

惜哉疲茶甚杯酒未敢置浮生能幾何荏苒忽中歲
四時更代謝寒暑不可避幻身豈長存中有不遷義
且享今夕涼百年安用計

和仲韓見簡韻

野人不愛名中歲益安命辛苦營一區婆娑只三徑
那知錢有神但喜酒能聖翩翩趙公子時時在軒乘
詩詞既清婉筆力亦端勁傳家堅素守從仕傷直性
語言生風波道路足機穽君猶沉下僚我亦抱多病
時偷半日閒樂此一室靜賞月已失期登高况當令
風物漸淒緊江山更幽重何時城南樓曳杖可乘興

自集卷一
三
和韓文寄厓贈大雅并見簡韻

故將未可歸異縣難久留溥深蛟鰐怒安得乘桴遊
貧賤豈天意自下齒如鈎吾道未全窮三歲依賢侯
小雞隨孔鸞顧影良可羞所喜臭味同潔己從清修
邇來苦多病頗厭淮南州援琴操土風大類南冠囚
今辰天氣佳和風吹微裘桃李競顏色誰能分劣優
空攪遊子心浩蕩生春愁新詩忽到手盛意知難酬
材生天地間小大固不侔詞鋒未易當如以楚伐鄒
王李更多文情義還相投他年內集時尙記野人不
他年內集應呼我
東坡與康國詩也

雷

三伏久不雨今辰忽聞雷殷殷地中出轟轟空際來
電光倏先馳掩耳恐不及陰雲勢相交銷鑠畏毒日
上天行號令君子敬天威端坐每深省整冠仍斂衣
蒼生苦炎熱喘汗不可過寄聲謝豐隆爲起神龍卧
秋雨未已客懷不佳夜誦少陵遺興詩至生涯
能幾何常在羈旅中三復感喟增感每字賦

一詩

日月無停輪歲律今崢嶸夜長客無睡打窗秋雨鳴
早寒逼衾裯兒女聲唧唧令人愧老龐團樂話平生

借屋與僧隣局促僅如蝸悲秋懷抱惡頭緒如亂麻
老來怕讀書隙風燈影斜感時思弟妹衰淚落天涯
饑寒傍人門面目自可憎爲善得長貧天理疑難憑
狂談取富貴易若階而升吾實畏鬼神勿謂吾無能
愁陰錯昏曉北風振葭葦關塞來悲鴻戰場多哭鬼
人生真幻戲歸盡同螻螻貪夫患得失達者今無幾
逆旅故人少今秋風雨多禾頭欲生耳農夫空悲歌
饑腸望一飽瞽瞍同雁鵝臨風不把酒奈此菊花何
門庭久沮洳蚯蚓升吾堂夜寒人闌寥蟋蟀鳴吾床
屋頭兩株樹葉落滿僧廊騷人不須悲榮悴理之常

詩吟不必工酒實性所愛
少年少拘束日與尊罍對
沉酣相呵和亦有嵇康輩
會合不可常故人今好在
貧窮束縛人知慧無所施
文籍紛滿前不救寒與饑
佳哉江上山歸隱寧無期
青山若有言塵土君自羈
憶買京口船飄飄適荆楚
覽古弔興亡亦有會心侶
歲月能幾何已作幽明阻
筋骸幸無恙未害且逆旅
今晨氣候佳萬里來西風
舉頭看浮雲已歸天漢東
野人還負賄帝澤流無窮
心隨鴻雁飛不離霄壤中

簡王漕左司

人生天壤中孰不有所求
小大雖不齊逐物常同憂

士子文字問亦各從所愛取舍未必同於道均無害
我生才甚下志與俗子殊思賢怒如饑奄旬聊自娛
惟公盛德人居今乃行古富貴等雲烟詞翰敏風雨
荆湖十五州玉節何煌煌門庭無雜賓讀書清晝長
樞衣願從遊自視亦何有未知函丈地能着野人否
公誠一顧之足以爲我榮淮南有石田歸趁春雨耕
分題得草果飲子

神農書本草有美生南州春華穗端垂彷彿芙蓉秋
青囊貯嘉賓璀璨安石榴香味極辛烈果中第一流
磊落入盤飴和羹充肴脩溫中與下氣功用亦罕儔

苞苴走四海藥籠必見收吾老苦病賜淡味時空投
作飲近得此選擇知獨優碧井沈銀瓶斟酌得自由
蔗漿已覺俗茗粥良可羞乃知古聖人收拾靡不周
口遇七十毒縱死夫何憂但吾赤子多疾苦庶有瘳
大哉仁者心當與天地侔

同張季子遊琅邪

枯藤久靠壁雙腳殊蹉跎日長無往還午醉睡初熟
誰與來剝啄一馬挾兩僕翩翩張公子得得訪茅屋
別來今十年高誼驚絕俗功名付兄弟冠裳畏羈束
多君殊不凡愛我常易足呼兒取酒斟草草具肴蕝

劇談連晝夜何止伴幽獨結爲山水遊策蹇相迫逐
滄陽三日程山路頗請幽好風吹雨霽發輒自幽谷
旱乾禱輒應雲雨手翻覆路轉醉翁亭巖泉漱寒玉
堂堂四公像再拜敢不肅雖云斗大州盛德繼來犀
凜然生氣在遺澤被草木梵宮最高處俯視山矗矗
境聖人乃凡野僧才五六碑厓爛文字驪珠混魚目
老眼眩生花往往難盡讀吾能領其要正自非匆促
回途遂南首夜就湯泉浴清曠舊書房懷人今鬼錄
人生貴適意百歲風中燭所恨多別離安能似陳唐
茲遊倘難可後會尚可卜紀行因贈行歸裝慰羞縮

題玲瓏

江月不受塵風竹儼相倚窗間讀書人日用亦如是
涇渭豈同流天地果一指客來問如何南山有雲起

鹿角

呦呦鳴鹿羣適意在林藪泉甘草豐茂多力故能走
一朝觸禍機竟死誰人手割鮮登鼎俎刺血置杯酒
特角未易棄煮膠方術有汲江爲浸漬七日去麤垢
火候三伏時煎熬必巽色作琥珀紅堅重如瓊玖
補陽遂強骨輕健還堪久殺身雖可憐仁實存身後
功能利生人死且垂不朽悠悠肉食輩亦愧此鹿否

慈湖磯

峭壁激湍流湍流作洄洑初無一响風飽我蒲帆腹
長筴寄怪石招呼爭挽牽難僅寸進何啻如登天
及磯日猶高過磯日隲黑依約見漁村燈火照初夕
舟師告疲勞夜泊投人家驚犬吠籬落寒生蘆荻花
雨中舟出湖牖

官吏急星火驅民疏漕河城中三尺泥歲晚風雨多
雨聲來未已清滿幽人耳曲肱篷底眠船隨夜潮起

卜宅

卜宅定何好廬山泉石奇夜夢五老人問我歸何時